

գուտ և ի շահ աստուածասէր աղօթողաց մերասեռ ազանց . զոր եթէ հաճելի լիցի կամաց ձերոց՝ Տեառն փառք : Արդ եղեւ զբաւ սորին թվականութեանս Հայոց Մեծաց ՌԿԵ ամին յամենան ղեկտ . ժէ, և ի ՌՁՃԺՁ ամի (Փըրկչին) ի հայրապետութեանն Էջմիածնա սուրբ յաթոռոյն կենդանի նահատակին Տեառն Տէր Մեղիսեդեկ կաթողիկոսին . այլ և Կիլիկեցո զաւառին Տէր Յովհաննէս քաջ բարունապետի . ի սոցին ժամանակս հանդիպեցաւ տար սուրին : Այլ և ի թագաւորութեան քրիստոնէից լէհ ազգին բարեպաշտ արքայի Լիրորդ Զիկմունտին , զոր Տէր Աստուած զինքն անասան պահեցէ երկար ամօք : Արդ աղաչեմ զամենեսեան որք հանդիպիք այսմ զրիս , յիշեալիք ի բարի և զծնողս իմ՝ ի Քրիստոս հանգուցեալ Բաղէշցի Քարմատէնց զՄուրատն , և զմայրն իմ զԱննա . այլ և զպապն իմ զՏէր Սիմէոն քահանայն , և զամենայն ազգայինս իմ : Եւ նա ինքն որ առատն է ի տուրս բարեաց , կրկնակի բարութեամբ զփոխարէն պարգեւեցցէ մեզ և թողութիւն շնորհեցցէ յանցանաց ձերոց . և ձեր սուրբ աղօթիւք զմեզս մեր ջնջեցէ . այլ և զնընչեցեալսն՝ խաչին լուսոյ և երկնից արքայութեան արժանի արասցէ . որում փոռք յաւիտեանս . ամէն : [Սաղմոս տպագրեալ] :

1617-8 .

Ես տրուպս քահանայից , մանաւանդ թէ և ամենայն քրիստոնէից Յակօր երեցս , ցանկացող եղեալ պատմութեան Սրբոցս , և ի հարկէ յանձին կալեալ՝ ձեռն արկի ի զծագրութիւն սորա . զի վասն ծովացեալ մեղաց իմոց Այսմաուրքն և Ճաշոցն և չորջուռ մի այրեցաւ ի մէջ եկեղեցոյն , կայծ հաւսեալ ի ճրագէ , յաւուր տօնի Սրբոյն Ստեփաննոսի Նախավկային , և յերեկոյէ մինչեւ ցառաւտոն ծխեալ ծախեցան . և վաղորդայն առաւօտուն պահուն գնացեալ իմ և բացեալ զեկեղեցին , տեսի լի ծխով , և դողումն կալաւ զիս . կարծէի թէ ամենայն եկեղեցին բորբոքեալ այրէր . և մտեալ ի ներքս՝ տեսի զերկոսին գրեանսն ի վերայ միմեանց հրացեալ . Ճաշոցն ամենեւին այրեալ , և Այսմաուրքն կիսայրեաց ծխայր . և ես եղկելիս ի մեծ կսկծոյս մեծակական ձայնիւ աղաղակեցի , ողբս և վայս կարդալով , որպէս որ ի վերայ մեռելոյ սիրելոյ . և այսպէս զրկեալ կողոպտեցայ ի մեծամեծ գանձուցս յայսցանէ , և չկայր միւս այլ Ճաշոց կամ Այսմաուրք՝ ընթեռնուլ յեկեղեցին . և մեծաւ ջանիւ հազիւ առաք զգողափար սորա ի մայրաքաղաքն ի Լուվայ . և ես անվարժ գոլով զրչութեան՝ հարկեցայ ի գործ , և ապաւինեալ յողորմութիւնն Աստուծոյ սկսայ , և նորին շնորհօք յանգ հասեալ կատարեցի : Արդ գրեցաւ Յայսմաուրս ձեռամբ յոգնամեղ Յակօր երեցուս , թվին ՌԿԶ , ի աշխարհս Իլախաց , ի նորաչէն քաղաքս Զամօցա , ընդ հովանեաւ Ս . Աստուածածնին և Ս . Լուսաւորչին և այլոց խորանացս . ի ժամանակս հայրապետութեան Ս . Էջմիածնայ Տեառն Տէր Մեղիսեդեկի կաթողիկոսին , և թագաւորութեան Իլախաց՝ Զիկմունդի Գ . ի , և իշխանութեան քաղաքիս Պր . Թովմասին՝ երիտասարդ իշխանին , որ հայրենակոչութեամբ Զամօյսի ա-